

NE'MA PETRÛSE PÊŞIN

Pêşgotin

Petrûsêf şandîf bi vê ne'ma xweye pêşin berbir'î cime'ta Xwedêye bi-jartî dibe, awa gotî wan bawermenda, yêd ku belayî bakura Asya Biç'ûk bibûn, ku pênc qeza dik'etine nava wê, bi h'esabê îroyîn T'irkayêda ne. H'imêd civîndêf van qeza hinek bi xûdana Pawlos, hinek jî bi ya heval-xebatêd wî hatibûne avîtinê. Li gora şe'detîya civîna sedsalîya dudada Petrûs eva ne'ma R'omayêda, bi navekî sur' awa gotî «Babilo-nêda» (5:13), berî kuştina xwe sala 65-da nivîsiye, gava mesîhîf ji dest Nêronê Qeyserêf Împêratorîya R'omayê dihatine zêrandinê.

Meremê vê ne'mê ew e, ku dil bide ber wan xwendevana, k'îjan ku bawerîya xwe Îsa tînin û nava tengasîf û zêrandinada ne. Xudanêf ne'mê vê nivîsarêda nexşê Îsa dide k'ifşê ku çawa cefê Wî, mirin, r'abûn û sozê hatina Wî wan bawermendar'a gumaneke mezin pêşda tîne. Bi vê dîtîne gerekê bawermendêd r'ast jî nava cefada teyax kin, çimkî eva yeka dide k'ifşê, ku ew r'ast bawerîyêda p'êga Îsada diçin. Û ewêd ku wê teyax kin, gava Îsa Mesîh dîsa e'yan be, Ewê wan xelat ke.

Usa jî xudanê vê ne'mê hîvî ji xwendevana dike, ku ew her t'im h'îşyar û hazir bin, nava jîyîna pîrozîyêda, h'izkirina wane hindava hevda du-r'ûtî nibe û bibine p'aristgehêd sax, li ser wî r'ik'inê navê Mesîh çêkirî.

Serecema fikira ne'mê

Pêşgotin (1:1-2)

Bîranîna kirêd Xwedêye bona xilazbûnêf (1:3-12)

Şîretêd bawermendar'a, ku bi jîyîna pîroz bijîn (1:13-2:10)

Borcêd bawermenda dema cefa û te'lî-tengîyada (2:11-4:19)

Xwedênasîya milûk û xizmetk'arîya wan (5:1-11)

Paşgotin (5:12-14)

Silavkirin

1 ¹Ji Petrûs^f, Şandîyê Îsa Mesîh, cime'ta Xwedêye bijartîr'a, ya ku li welatêd Pontosê, Galatayayê, Kepedokuyayê, Asyayê û Bîtênayêda xerîb belabûyî ye. ²Hûn li gora wê qirara Bav^f Xwedêye pêşda hatine bijartinê û bi R'uh'ê Pîroz buhurtî-jibare dibin, wekî guhdarîya Îsa Mesîh bikin û bi xûna Wîye r'êtî bêne paqijkirinê:

De bira k'erem^f û e'dilayî hê li we zêde be.

R'azîbûn bona gumana saxîyê

³Şikir ji Xwedêr'a, Bavê Xudanêf me Îsa Mesîh, ku ji r'e'ma Xweye p'ir', careke din em dinê xistin, bi r'abûna Îsa Mesîhe ji mirîya, wekî bibine xweyê gumana sax ⁴û wan soz-qîrarêd nebetale ner'îzî û neç'ilmisî war bin. Evana li e'zmana wer'a xweykirî ne. ⁵Û qewata Xwedê pê bawerîya^f we, we xwey dike, bona wê xilazbûna^f hazirkirî, ya ku axirîya zemênda wê xuya be.

⁶Hûn bi wê şa dibin, r'ast e niha jî usa diqewime ku hûn hinekî me'dekirî ne, ji dest cûr'e-cûr'e cêr'ibandina^f. ⁷Ev yek dibe sebeb, wekî xalisîya bawerîya we hê bi qîmet k'ifş be, ne ku ew zêr'ê ku

nava êgirda tê cêr'ibandinê lê dîsa unda dibe û bi vî awayî ew bawerîya we wê hêjayî pesin, r'ûmet û qedir be, wextê xuyabûna Îsa Mesîh. ⁸We Ew nedîtîye, lê hûn Wî h'îz dikin, niha jî nabînin, lê bawerîya xwe Wî tînin û şa ne bi wê eşqa mezine xweyîr'ûmet, ku bi zara^f nayê gotinê. ⁹Çimkî hûn xilazkirina^f r'uh'ê xwe distînin, ku meremê bawerîya we ye.

¹⁰Bona vê xilazbûnê p'êxember lê ger'îyan û k'etibûne bin e'nena û bona wê k'erema^f ku wê wer'a bibûya p'êxembertî^f kirin. ¹¹R'uh'ê Mesîhî nava wanda hê pêşda li ber wan vedikir, ku Mesîhê cefê bik'îşîne û peyr'a bik'êve r'ûmeta Xwe. Û wan fikir ku bizanibin k'a bona k'engê û zemanekî çawada ev yekê biqewimin. ¹²Li ber wan vebû, wekî ew ne ku bona xwe, lê bona we xebitîn, gava ew tiştêd niha wer'a bi destê wan hatine gotinê, yêd ku Mizgînî wer'a dannasîn kirin, bi R'uh'ê^f Pîrozî ku ji e'zmên hate şandinê. Milyak'et^f jî demana wan tiştada ne, ku hema bibînin.

H'îşyar û pîroz' bin

¹³Bona wê yekê hûn fikirêd xweda piştgirêdayî û h'îşyar bin, t'am gumana xwe bidine ser wê

k'eremê, ya ku wê wer'a bê dayînê, wextê xuyabûna Îsa Mesîh. ¹⁴Mîna zar'êd guhdar bin, nebîne mîna wî wextê dilxwestinêd xweye nezanîya xweda. ¹⁵Lê mîna wî Pîrozê ku gazî we kir, hûn jî pîroz bin nava h'emû r'abûn-r'ûniştina xweda. ¹⁶Çawa nivîsar e: «Pîroz bin, çimkî Ezî pîroz im»*.

¹⁷Heger hûn Wîr'a Bavo dibêjin, Yê ku bê firqî dîwana her kesî weke e'melêd wî dike, ku usa ye vî wextê xerîb-firarîya xweye vê dinê bi xofa Xwedê derbaz kin. ¹⁸Çimkî hûn zanin wekî hûn jî r'aw-r'izimêd^f kal-bavaye bêkêr, pê wan tiştêd ku unda dibin, awa gotî zêr'a yan zîva nehatine k'ir'înê, ¹⁹lê pê xûna Mesîhe qîmet-giran, ku ew çawa berxekî bêqusûr û bêlek'e bû. ²⁰Ew hê berî destpêbûna dinyayê k'ifşkirî bû, lê van axiriyada bona we e'yan bû. ²¹Bi Wî we bawerîya xwe Wî Xwedêyî anî, Yê ku Ew jî nava mirîya r'akir û r'ûmet da Wî, lema bawerî û gumana we ser Xwedê ye. ²²Awa we guhdarîya r'astîyê kir û bi vî awayî xwe paqij kir, ku h'izkirina we hindava xûşk-birada

bê h'ilek'arî be, niha bi dilê sax hevdu qayîm h'iz bikin. ²³Hûn ne ku ji havênê p'ûç' dîsa dinê k'etine, lê ji yê nep'ûç', ji xebera Xwedêye xweyîe'mire h'eta-h'etayê. ²⁴Çimkî

«H'emû meriv^f mîna gîhê ne û t'emamîya r'ewşa wan mîna gulê gîhê.

Gîha h'işk dibe û gulêd wê jê diwarin,

²⁵lê xebera Xudan h'eta-h'etayê dimîne».*

Ev ew xeber e, ku bi Mizgînîyê wer'a hate dayînê.

Kevirê sax û miletê pîroz

2 ¹De her cûr'e xirabîyê, h'ilek'arîyê, dur'ûtîyê, h'evsûdîyê û buxdanbêjîyê ji p'êşa xwe dawşînin. ²Mîna dergûşêd li ber bistên, h'eyra şîrê sipîyî r'uh'anîda bin, ku hûn bi wî xilazbûnêr'a mezin bin. ³Çimkî nivîsar e: We «te'ma şîrinayîya Xudan hildaye»*. ⁴Xwe li Wî bigirin, Wî kevirê saxî ku ji meriva t'exsîrkirî^f ye, lê ji Xwedêda bijartî û xweyîqedir e. ⁵Hûn jî mîna kevirêd sax, p'aristgeheke r'uh'anî werine çêkirinê,

* ^{1:16} Qanûna K'ahîntîyê 11:44-45; 19:2; 20:7.

* ^{1:24-25} Îşaya 40:6-8.

* ^{2:3} Zebûr 34:8.

çawa k'ahînêd^f pîroz qurbanêd^f r'uh'anîye li Xwedê xweş bi Îsa Mesîh bidin. ⁶ Çimkî k'itêbêda nivîsar e:

«Va Ez Sîyonêda^f kevirekî jibareyî û xweyîqedir çawa kevirê e'nîşkê^f datînim û k'î bawerîya xwe Wî bîne, t'u car wê şermî nemîne»*.

⁷ Awa ew kevir bona we bawermenda xweyîr'ûmet e, lê bona nebawera:

«Ew kevirê ku hosta t'exsîr kir, Ew bû serê e'nîşkê»*,

⁸ «Kevirê ku meriv serda dilik'umin

û zinarê ku jê hol dibin»*.

Ew dilik'umin, çimkî guhdarîya xeberê nakin û çawa wê yekêr'a jî k'ifşkirî ne.

⁹ Lê hûn qebîleke jibare ne, k'a-hînêd p'adşatîyê, miletê buhurtî, cime'ta Xwedê, wekî k'eremetêd* Wî bikine dengî, Yê ku hûn ji te'rîstanîyê gazî r'onaya xweye h'ujmek'ar kirine**. ¹⁰ Wextekê hûn ne t'u cime't bûn, lê niha

bûne cime'ta Xwedê, hûne bê r'e'ma Xwedê bûn, lê niha we r'e'm dîtîye*.

Xulamêd Xwedê

¹¹ Delalno! Ez hîvî ji we dikim, çawa merivêd firarî û xerîbe vê dinê, h'evza xwe ji dilhaviyîyêd bedenê bikin, ku miqabilî r'uh'ê we şer' dikin. ¹² Nava p'ûtp'aristada^f hûn xwe usa p'ergal xwey kin, wekî çî tiştîda jî we r'ezîl bikin çawa xirab, kirêd weye qenc bibînin û şikirîyê bidine Xwedê, wê R'oja ku serîkî bide dinê.

¹³ Gur'a^f her serwêrtîyêd merivayêda bin, bona xatirê Xudan, gur'a p'adşêda bin, çawa serwêrê herî bilind, ¹⁴ usa jî gur'a welîyada^f bin, ku ji alîyê p'adşêda şandîf ne, wekî cezayê bidine neheqa û pesin jî bidine qenca. ¹⁵ Çimkî ev e qirara Xwedê, ku hûn bi qencîkirinê dengê merivêd bêh'işe nezan bidine bir'înê. ¹⁶ Mîna merivêd aza bijîn. Bira azayîya we nebe xêlîya xirabîkirinê, lê bijîn

* ^{2:6} Îşaya 28:16.

* ^{2:7} Zebûr 118:22.

* ^{2:8} Îşaya 8:14.

* ^{2:9} Aha jî tê fe'mkirinê: «T'or'intîya Wî».

** ^{2:9} Îşaya 43:20-21; Derk'etin 19:5-6.

* ^{2:10} Hosêya 2:23.

çawa xulamêd Xwedê. ¹⁷ Qedirê h'emûya bigirin xûşk-bira h'iz bikin, ji Xwedê bitirsin, qedirê p'adşê bigirin.

Hûn jî r'îya Mesîhe cefada her'in

¹⁸ Xulamno, bi xofk'êşîke mezin gur'a axayêd xweda bin, ne ku t'enê gur'a yêd qenc û berbihêrada bin, lê gur'a zulmk'arada jî. ¹⁹ Çimkî eva bextewarîk e, heger yek bona xatirê Xwedê cîkî heqî-neheq zelûliyê dik'işîne û sebir dike. ²⁰ Lê çi feyde heger hûn bona gunekirinê bêne lêdanê û teyax kin? Lê heger hûn bona qencîkirinê cefê bibînin û teyax kin, hûn li ber Xwedê bextewar in. ²¹ Belê hûn vê yekêr'a hatine gazîkirinê, çimkî Mesîh xwexa jî bona we cefa k'işand û nexşek wer'a hişt, wekî hûn p'êgeha Wîda her'in. ²² Ewî gune nekir û zarê Wîda h'ilek'arî t'unebû*. ²³ Gava dihate r'ezîlîkirinê, ji berva kes r'ezîl nedikir, gava cefa dik'işand,

gef li kesekî nedixwar, lê Xwe spartibû^f h'akimê ser r'astîyê*. ²⁴ Ewî gunêd me bedena Xweda r'akirine ser dar, wekî em hindava gunada mirî* bin û bona heqîyê bijîn: Bi dexmêd Wî hûn qenc bûn**. ²⁵ Çimkî hûn mîna pezêd xalifî^f bûn, lê niha hûn li Şivan û Se'vîyê r'uh'ê xwe vege'îyane.

T'emîya bona jin û mêr

3 ¹ Usa jî k'ulfetno^f, gur'a mêrê xweda bin, wekî ji wan hinek jî, heger guhdarîya xeberê nakin, bi p'ergalîya jinêd xwe, bê gotin jî bêne ser bawerîyê* ² gava p'ergalîya weye xofe û nave-namûs bibînin. ³ Bira xemila we dervava bi gulîvegirtinê û t'or'êd zêr'a, yan jî bi k'inca nîbe*, ⁴ lê ya merivê hindur'ê dîlda, r'uh'ekî milûk û girane bedewetîya nebetal e, ku li ber Xwedê p'ir' bi qîmet e. ⁵ Çimkî berê bi vî tîherî k'ulfetêd pîroze ku gumana xwe danîbûne ser Xwedê, xwe dixemilandin, xemila wan ew bû ku gur'a mêrê

* ^{2:22} Îşaya 53:9.

* ^{2:23} Îşaya 53:7.

* ^{2:24} Bi gotineke din: «Ji guna dûr» yan «aza».

** ^{2:24} Îşaya 53:5-6.

* ^{3:1} Efesî 5:22; Kolosî 3:18.

* ^{3:3} Tîmot'êyo I, 2:9.

xwe bikirana, ⁶ mîna Serayê ku gur'a Birahîmda^f bû û digote wî: «Xweyê min». Îdî hûn qîzêd wê dêyê ne, heger hûn xwe li qencîyê digirin û ji t'u tiştî natirsin.

⁷ Usa jî mêrno, bi fe'mdarîyê e'mirê xwe t'evî jinêd xwe derbaz kin, çawa qîsimê sist qedirê wan bigirin, usa jî çawa hevalwarê wê jîyîna ku hûnê p'êşk'êş^f bis-tînin, wekî t'u tişt nebîne bayîse duayêd we*.

Cefê bona r'astîkirinê bik'işînin

⁸ Heyneser h'emû jî ser nêtekê bin, ser hev şewat bin, hev h'iz bikin, r'e'm û şkestî bin. ⁹ Ji ber xirabîyêva xirabîyê nekin, yan ji ber bêhurmetkirinêva bêhurmetkirinê, lê ji ber vanva dua-dirozga li wan bikin, çimkî hûn vê yekêr'a hatine gazîkirinê, wekî dua-dirozge sozdayî ser weda bê. ¹⁰ Çimkî nivîsar e:

«K'î jîyînê begem dike
û dixwaze r'ojêd xweş bibîne,
bira zimanê xwe ji xirabîyê
xwey ke

û zarê xwe jî ji h'ilek'arîyê.

¹¹ Bira ji xirabîyê vege'ere, qencîyê bike

û e'dilayîyê biger'e, li pey wê her'e.

¹² Çimkî ç'e've Xudan li ser r'asta ye

û guhê Wî ser duayê wan e,
lê Xudan miqabilî wan e, yêd
ku xirabîyê dikin».*

¹³ K'î wê xirabîyê li we bike, heger hûn demana qencîkirinêda bin? ¹⁴ Lê heger hûn bona r'astîkirinê cefê jî bibînin, hûne xwezilî ne! Îdî ji meriva netirsin û xwe unda nekin*.

¹⁵ Lê belê Mesîh çawa Xudanê pîroz dilê xweda bilind bigirin. Her gav hazir bin, caba wan h'emûya bidin, yêd ku bona wê gumana nava weda dipirsin. Lê wê yekê bi xof û milûktîyê bikin*, ¹⁶ xweyê îsafa^f r'ih'et bin, wekî, gava hûn bêne r'ezîlîkirinê, yêd ku p'ergalîya weye qence t'evî Mesîh bêhurmet dikin, şermî bin. ¹⁷ Hê qenc e, heger qirara Xwedê ye, em bona qencîyê cefê bik'işînin, ne ku bona xirabîyê. ¹⁸ Çimkî Mesîh

* ^{3:7} Efesî 5:25; Kolosî 3:19.

* ^{3:10-12} Zebûr 34:12-16.

* ^{3:14} Metta 5:10.

* ^{3:15} Îşaya 8:12-13.

carekê bona her t'im bona guna cefa k'işand*, Yê heq bona neheqa, wekî me nêzîkî Xwedê ke. Ew aliyê bedenîda hate kuştinê, lê aliyê r'uh'anîda jîyînêr'a hate vege'andinê. ¹⁹ Bi r'uh'anî çû nava wan r'uh'êd kelêda dannasîn kir, ²⁰ yêd ku wextekê ne guhdar bûn, gava Xwedê bi dûmika dirêj sebir dikir, wî zemanê Nuhda^f, gava gemî dihate çêkirinê. Wêda hindik, awa gotî h'eyşt nefis «nava avêda» xilaz bûn*. ²¹ Ew av sûretê nixumandinê^f bû, k'îjan niha we xilaz dike. Ew nixumandin ne ku we ji qilêra bedenê dişo, lê ji îsafa r'ih'et şe'detîk e li ber Xwedê*. Ew yek bi r'abûna Îsa Mesîhe ji mirîya we xilaz dike, ²² Yê ku çûye e'zmên, li milê Xwedêyî r'astê ye û milyak'et, h'ukumet û qudretêd r'uh'anî bin gur'a Wîda ne.

4 ¹ Awa Mesîh ku bona me bedenî cefa k'işand, hûn jî bi wê nêt-fikirê sîlih'kirî bin. Çimkî yê bi bedenî cefa k'işand, wî dest ji guna k'işandîye, ² wekî îdî h'eta

mirina xwe, ne ku li gora dilhavijîyêd xweye merivayî bijîn, lê li gora qirara Xwedê. ³ Besî we ye, ku we wextê jîyîna xweye bihurîda li gora xwestina p'ûtp'arista^f derbaz kirîye, hûn pey h'eramiyê^f, temxwestinêd xirab, pey-vexwarinê, kûç'iksantîyê, serxweşîyê û p'ûtp'aristîya k'irêt k'etibûn. ⁴ Ew p'ûtp'arist e'cêbmayî jî dimînin, wekî hûn t'evî avîtiya wane bênamûsî nabin û navê xirab li pey we dixin. ⁵ Lê ewê li ber Wî cabdar bin, Yê ku hazir e dîwana mirî û zêndîya bike. ⁶ Bona vê yekê jî wan mirîyar'a Mizgînî hate dayî-nê, yêd ku bi bedenî mîna meriva dîwana wan hate kirinê, wekî bi r'uh'anî bijîn mîna Xwedê.

P'êşk'êşêd Xwedêye bona civînê^f

⁷ Axirîya her tiştî nêzîk bûye. Awa serwaxt û ser xwe bin, ku bikaribin dua bikin. ⁸ Berî her tiştî, h'izkirina we hindava hevda bi dil û can be, çimkî h'izkirin gelek guna dinixême. ⁹ Hindava hevda mêvanh'iz bin, bîna xwe

* ^{3:18} Aha jî tê fe'mkirinê: Dewsa «cefa k'işand» «mir».

* ^{3:20} Destpêbûn 6:9–8:22.

* ^{3:21} Aha jî tê fe'mkirinê: «Lê nixumandin bona îsafa qenc şe'detî ye li ber Xwedê». Dewsa xebera «şe'detî» hinek «delîlek» fe'm dikin.

teng nekin*. ¹⁰ Ji we k'ê çi p'êş-k'êş standîye, bi wê jî hevr'a xizmetk'arîyê bikin, çawa wek'îlêd qence k'erema Xwedê. ¹¹ Heger yek xeber dide, bira gotinêd Xwedê xeber de, heger yek xizmetk'arîyê dike, bira bi wê qewatê bike, ku Xwedê dayê, wekî her tiştîda navê Xwedê bê bilindkirinê bi Îsa Mesîh, r'ûmet û qudret ji Wîr'a h'eta-h'etayê. Amîn^f.

Cefa û te'li-tengîyêd bona navê Îsa Mesîh

¹² Delalno! Ji wê alava tengasiyê^f e'cêbmayî nemînin, ku bona cêr'ibandinê tê serê we û nefikirin ku ev çi bela bû li we qewimî. ¹³ Lê şa bin, ku hûn t'evî cefêd Mesîh dibin, wekî wî wextê xuyabûna r'ûmeta Wî hûnê ji şabûnê geş bin. ¹⁴ Heger hûn bona navê Mesîh bêne r'ezîlkinê, hûne xwezilî ne, ku usa ye R'u-h'ê xweyîr'ûmet, R'uh'ê Xwedê ser we danîye*. ¹⁵ Bira ji we t'u kes cefê nek'îşîne, çawa mêrkuj, yan diz, yan zulmk'ar, yan jî t'evî

şixulê xelqê bûyî. ¹⁶ Lê heger cefê bik'îşîne çawa mesîhî^f, bira şerm neke, lê şikirîyê bide Xwedê bona vî navî, ku ser wî ye. ¹⁷ Îdî wext pêr'a gihîştîye, wekî dîwan ji mala Xwedêda destpêbe û heger pêşda ji meda destpêdibe, lê axirîya wanê çawa be, yêd ku gur'a wê Mizgînîya ji Xwedê nakin? ¹⁸ Nivîsar e:

«Heger yê r'ast wê bi zorekê xilaz be,

îdî h'alê nep'ak û gunek'ara^f wê çawa be?»*

¹⁹ Awa yêd ku li gora qirara Xwedê cefê dik'îşînin, bira xwe li qencîyê bigirin, r'uh'ê xwe bispêrine^f E'firandarê xweyî amin.

Bona kerê pezê Xwedê

5 ¹ Ez hîvî ji berpirsiyarêd nava weda dikim, ez xwexa jî çawa berpirsiyar û şe'dê cefêd Mesîh û heval-p'arê wê r'ûmetê me, ya ku wê xuya be. ² Şivantîyê wî kerîyê pezê Xwedêyî li ber xwe bikin*, ne ku bê dil, lê bi dil û can usa xwey kin, çawa Xwedê dixwaze, ne ku bona k'ara xwe,

* 4:9 Aqûb 5:20; Gotinêd Silêman 10:12.

* 4:14 Nav hinek destnivîsarada ev jî heye: «Ji alîyê wanva Ew tê bêhurmetkirinê, lê ji alîyê weva tê bilindkirinê».

* 4:18 Gotinêd Silêman 11:31.

* 5:2 Nav hinek destnivîsarada ev jî heye: «Çawa se'vî».

lê bi r'ezedilî**, ³ ne ku li ser yêd ku p'ara we k'etine h'ukum kin, lê nexşê qenc nîşanî kêrî kin. ⁴ Û gava Serekşivan e'yan be, hûnê wê t'acêf r'ûmetê bistînin, ku ç'irûsîya wê unda nabe.

⁵ Usa jî cahilno, gur'a mezinada bin. Û hûn h'emû jî, li ber hev şkestî bin, xulamtîyê hevdur'a bikin, çimkî nivîsar e:

«Xwedê miqabilî k'ubar-babaxa ye,

lê k'eremê dide şkestîya»*.

⁶ Bin destê Xwedêyî zor ta bin, ku Ew wextda we bilind ke* ⁷ û h'emû xemêd xwe bavêjine ser Wî, çimkî Ew bona we xem dike.

⁸ Serwaxt bin, h'işyar bimînin! Mîrêcinêf neyarê we mîna şêr mir'e-mir'a wî ye, digêr'e k'a k'ê h'ûfî xwe ke. ⁹ Bawerîyêda h'îmgirtî miqabilî wî bisekinin, çimkî hûn zanin ku xûşk-birêd

we jî t'emamîya dinyayêda xût wan cefa dik'işînin. ¹⁰ Lê Xwedêyê t'emamîya k'eremê, Yê ku pê Mesîh hûn gazî r'ûmeta xweye h'eta-h'etayê kirine, pey hinek cefa dîtîner'a, wê Xwexa we k'amil ke, bişidîne, qewat ke, xweyîbingeh ke. ¹¹ Qudret ji wîr'a h'eta-h'etayê. Amîn.

Silavêd axirîyê

¹² Min bi destê Silas*, çawa birakî amin ez wî h'esab dikim, kin wer'a nivîsî, dil didime we û şe'detîyê didim, ku ev e k'erema Xwedêye r'ast. Vêda hûn qewîn bisekinin. ¹³ Civîna^f Babîlonêda^{f*} li we silav dike, ya ku t'evî we hatîye bijartinê, usa jî lawê min Marqos. ¹⁴ Bi r'amûsana h'izkirinêye dilê sax hevdu silav kin. De bira e'dilayî li we h'emûyêd p'ara Mesîh be. Amîn.

** ^{5:2} Yûh'enna 21:15-17.

* ^{5:5} Gotinêd Silêman 3:34.

* ^{5:6} Metta 23:12; Lûqa 14:11; 18:14.

* ^{5:12} Bi yûnanî «Silvano» nivîsar e, ku cûr'ekî navê «Silas» e.

* ^{5:13} Bi fikira hineka hingê bawermenda bajarê R'oma^f Îtalyayêr'a digotin «Babîlon».